



**Totivs Ivris Canonici Compendivm, Siue, Brevis Svmma In  
Qvinque Libros Decretalivm Sacri Concilii Tridentini  
Decretis Accommodata**

In Qva Ivris Canonici Primæ Institutviones, seu Elementa ita traduntur, vt plurima breuiter ac decisiuè explicentur, & Canonum, Glossarum, ac Doctorum receptorum auctoritate communiuntur ...

**Axel, Johannes Honorius van**

**Coloniae Agrippinae, 1656**

De voto & voti redemptione. Titulus XXXVIII.

---

[urn:nbn:de:hbz:466:1-61552](https://nbn-resolving.org/urn:nbn:de:hbz:466:1-61552)

hoc tit. Prædicta procedunt quoad forum  
10 iudiciale: in foro pœnitentiæ, siue poli  
raticans delictum tenetur ad peccatum  
quamvis illud non sit factum nomine suo,  
sed non incurrit pœnam excommunicatio-  
nis, vel aliam. d. c. cum quis §. si vero.

## De voto &amp; voti redemptione.

## Titulus XXXIII.

## SUMMARIA.

- 1 Votum ab initio est voluntatis.
- 2 Ad illud tria requiruntur, deliberatio, propositum voluntatis, & promissio oris.
- 3 Distinguitur in solemne & simplex, solemnitatur per susceptionem sacrorum ordinum, vel professionem factam alicui ex approbatis religionibus.
- 4 Simplex est omne aliud votum à solemniquantumcumque cum multis ceremonijs sit factum.
- 5 Solemne impedit contrahendum & dirimit contractum, simplex aliquando impedit contrahendum sed nunquam dirimit contractum matrimonium.
- 6 Emittitur super rebus tendentibus ad Dei honorem & utilibus ad salutem vouentis, vt ieiunijs, orationibus, elemosynis, peregrinationibus, religionibus, abstinentijs, & continentijs propter bonum finem.
- 7 Non est seruandum, quod vel spiritualis, vel temporalis salus admittitur.
- 8 Sepulcrum Dominicum & alia vltra marina loca non licet visitare nisi de licentia sedis apostolicæ.
- 9 Vouere quilibet potest.
- 10 Excipiuntur Episcopi & alij superiores prelati.
- 11 Clerici beneficiati in beneficijs in quibus

- requiritur residentia.
- 12 Religiosi.
  - 13 Abbates & prelati religiosorum.
  - 14 Serui.
  - 15 Viret vxor.
  - 16 Impubes.
  - 17 Filius familias.
  - 18 Vouens non tenetur adimplere per alium votum emissum pro deuotione superueniente impedimento omnino impeditiuo quãdoprius nõ fuit in mora in executione.
  - 19 Potest si vult per aliam supplere.
  - 20 Hares non cogitur ad complementum pœnitentiæ defuncti quæ consistit in ieiunijs vigilijs & orationibus.
  - 21 Limita vbi quis voto se obligat ad certum quid quod potest cum suis expensis facile per alium expedire.
  - 22 Impedimentum difficultatis reddit facilitatem dispensandi.
  - 23 A Voto liberant ingressu religionis.
  - 24 Impedimentum perpetuum & defectus conditionis generalis quæ est multiplex.
  - 25 Defectus conditionis specialis.
  - 26 Irritatio.
  - 27 Dispensatio.  
Qui super voto possunt dispensare.
  - 28 Commutatio.
  - 29 Redemptio.
  - 30 Matrimonium carnale etiam non consummatum subsequens tollit votũ simplex præcedens, sed non matrimonium spirituale.
  - 31 Dilatio.
- D**ICTVM est de voto, quod emititur per ingressum religionis, vel per susceptionem fidei, nunc subijcit de voto in genere, & de eius redemptione. Votum à principio † est voluntatis; postquã emissum est necessitatis: c. licet in princ. hoc tit. ad illud tria † requiruntur, deliberatio, cap. litteraturam hoc tit. Secundo propositum voluntatis.



itatis, c. qui bona 17. q. 1. Tertio promissio  
 facta Deo, vel Sanctis, cap. licet c. per tuas hoc  
 tit. His addantur alia duo ad quandam voti  
 confirmationem, pronuntiatio oris, & tes-  
 timonium aliorum, quæ non sunt de sub-  
 stantia voti; gloss. fin. in c. fin. & Pan. in d. cap.  
 litteraturam sub num. 2. hoc tit. Collect. in fin.  
 3 Abb. antiq. & Can. ibid. distinguitur ¶ in so-  
 lemne, & simplex, solemne est illud solum-  
 modo, quod solemniatur per susceptio-  
 nem factorum ordinum, aut per professio-  
 nem tacitam, vel expressam factam alicui de  
 approbatis religionibus, c. unico hoc tit. in 6.  
 gloss. 2. in c. rursus qui cler. vel vouent. & c. c.  
 4 presbyteris in fin. 27. dist. simplex est ¶ omne  
 aliud votum à solemni quantumcumque  
 cum multis caeremonijs, missa, Litanijs fa-  
 ctum sit, d. c. unico hoc tit. in 6. & ibi Franc. n.  
 2. & Can. solemnia impedit contrahendum,  
 5 & dirimit contractum, simplex ¶ aliquando  
 impedit contrahendum, d. c. rursus qui cler.  
 vel vouent. & c. sed nunquam dirimit contra-  
 ctum matrimonium, d. cap. unico hoc tit. in 6.  
 6 gloss. in summa 27. q. 1. Emititur votum ¶  
 super rebus tendentibus ad Dei honorem,  
 ac vtilibus ad salutem vouentis, vt ieiunijs,  
 orationibus, elemosynis, peregrinationi-  
 bus, religionibus, abstinentijs & continen-  
 tijs, & his similibus propter bonum finem,  
 c. 1. c. scriptura c. licet c. per tuos hoc tit. c. no-  
 uit 33. q. 5. Circa quas notanda est regula:  
 7 votum non est ¶ seruandum, quo vel tem-  
 poralis, vel spiritualis salus adimitur, vel si-  
 ne qua vtraque salus reparari, vel confir-  
 mari non potest, c. innocens s. quisquis 22. q.  
 8 4. Item non licet ¶ sepulchrum dominicum,  
 & alia loca vltimarina visitare, nisi de licen-  
 tia sedis Apostolicæ; quæ datur sub sola si-  
 gnatura etiam pro absentibus, & pro religi-  
 osis de licentia ipsorum superioris, nec sub  
 specie peregrinationis vagentur, Staphyl. de

rescript. Apost. in form. breuis s. datur per breue  
 n. 18. Mand. de sign. grat. tit. licentia vers. licen-  
 tia visitandi sepulchrum, & vers. seqq.

Quilibet potest ¶ vouere nisi prohibea-  
 tur, c. duæ. 19. q. 2. Excipiuntur primo Epil-  
 copi, & ¶ alij superiores prælati, qui non 10  
 possunt facere votum, quo vinculum inter  
 ipsos, & ecclesias dissoluatur, sine licentia  
 Papæ, c. nisi cum pridem s. verum si propter de-  
 renunciat. vel quo diu ab ecclesia sua habe-  
 ant absentari, c. episcopus de consecr. dist. 3. &  
 ibi gl. Pan. in c. magna n. 9. & 10. hoc tit. per il-  
 lum text. Secundo Clerici ¶ beneficiati in 11  
 beneficijs, in quibus requiritur residentia,  
 qui non possunt facere votum longæ pere-  
 grinationis sine licentia Episcopi, d. c. ma-  
 gna s. ipsum hoc tit. c. non oportet dist. 7. de con-  
 secrat. in alijs libere possunt vouere. Tertio  
 Religiosi ¶ qui nullum votum facere pos- 12  
 sunt sine consensu Abbatis: c. monacho 20. q. 4.  
 c. noluit 33. q. 5. imo Abbas potest reuocare  
 votum, quod religiosus fecit ante ingrel-  
 sum gl. in d. c. monacho 20. q. 4. quando reli-  
 gioni non est consonum, Pan. in c. scriptura  
 sub num. 6. hoc tit. Quarto Abbates ¶ & 13  
 prælati religiosorum non possunt facere  
 votum, per quod habeant diuise absentare  
 ab eorum ecclesijs conuentibus, præter-  
 quam vltra marinum pro subsidio Terræ  
 Sanctæ, quando fit passagium generale ex  
 dispositione Papæ, c. fin. & ibi gloss. in verb.  
 enormiter hoc tit. Pan. sub. numer. 2. & Can.  
 Quinto ¶ serui, qui non possunt facere vo- 14  
 tum in præiudicium operum corporalium  
 debitorum dominis: secus in spiritualibus,  
 vt dicere tot orationes, c. si quis incognitum 17.  
 q. 2. arg. c. relatum de sent. excom. Sexto vir ¶ 15  
 & vxor, qui non possunt facere votum, per  
 quod præiudicium alteri generetur, quia ad  
 imparia non iudicantur, c. gaudemus, & ibi  
 gloss. in verb. non ad imparia, & Can. de duon.  
 c. si quis



c. si quis uxorem 1. 32. q. 1. c. præcepit c. Christiana 32. q. 5. Pan. in c. scriptura numer. 8. hoc tit. præter votum peregrinationis, in subsidio terræ Sanctæ, quod vir sine licentia vxoris facere, & libere ad implere potest: c. ex multa §. in tanta hoc tit. maritus potest reuocare votum vxoris ante nuptias factum, nec mulier rea indicabitur ob votum non seruatam, 16 c. noluit 33. q. 5. Septimo impubus, qui ¶ non potest se obligare voto expresse, aut tacite suscipiendo ordinem sacrum, c. illud 25. q. 1. c. significatum c. sicut de regul. Cas. decis. 2. num. 9. plures cumulans, & num. 27. de ijs, qua vi, me- ruitve caus. si. De Stylo Cancellariæ, & Pœnitentiariæ declaratur talem non teneri ad seruandam continentiam, sed posse libere, & licite matrimonium contrahere, Cas. d. decis. 2. num. 27. Pract. Canc. Apost. tit. summ. doct. collecta ex form. antiq. Cancell. & c. vers. & pro accipientes, & vers. seq. nisi sit doli capax, aut forsitan in maiori ætate ratum habuerit, quo casu tenetur votum adimplere, nisi absolutionem impetret propter facilitatem teneræ ætatis, c. 2. & ibi gl. 1. Pan. num. 2. & Can. hoc tit. Octauo filius familias ¶ ex voto, quod facit cum præiudicio patriæ potestatis, nisi pater consenserit, non obligatur, Pan. in c. scriptura numer. 7. hoc tit. per l. 2. ff. de pollicit. & dissoluta patria potestate non tenetur votum adimplere, arg. c. quidam cap. placet de conuers. coniug. Pan. in d. c. scriptura n. 7.

18 Vouens non tenetur ¶ adimplere per alium votum emissum pro deuotione superueniente impedimento omnino impeditiuo, Pan. in c. 1. num. 4. & Inn. in c. licet & ibi Pan. num. 12. hoc tit. quando prius non fuit in mora in executione, Pan. in d. c. licet numer. 14. & in c. per tuas in 2. not. hoc tit. quia in omni voto de iure tacitæ sub intelliguntur conditiones, si potero, si Deo placuerit, si vixero, quarum defectus facit deficere votum: Io. de

Summa in Decretales.

Anan. in d. c. scriptura numer. 3. Potest, si vult ¶ 19 per alium supplere, quia amicorum orationibus, & elemosynarum studijs pondus pœnitentiæ, & pœna subleuatur, c. si quis fuerit, & ibi gloss. in verb. oblationem 26. q. 6. & c. 1. ead. caus. q. 7. c. pro obeuntibus c. pro anima 13. q. 2. nec interest quis soluat, vtrum ipse qui debet, an alius pro eo, liberatur enim & alio soluente, & satisfaciente, Instit. quib. mod. toll. oblig. sed hæres ¶ non cogitur in bonis temporalibus ad complementum pœnitentiæ defuncti, quæ consistit in ieiunijs, vigilijs, & orationibus, & his similibus: idem obtinet, quando pœnitentia iniuncta licet salutifera non posset expleri alium: c. accusatus §. si vero, & ibi gl. in verb. in temporalibus de heret. in 6. & ibi Can. sed vbi quis voto ¶ se obligat ad certum quid, quod potest cum suis expensis, quas posset facere, aut facturuseffet rerum facultate pensata, personæ præterea labore compensato, facile per alium expedire, tunc si non potest per se, tenetur per alium votum adimplere, c. quod super his Pan. in c. licet numer. 13. & Inn. in d. c. scriptura hoc tit. & ad complementum ipsius à iudice ecclesiastico ordinario cogi debent hæres laici, vel alij ad quos bona defuncti deuenerunt, siue ex testamento, siue ab intestato per excommunicationem, & bonorum subtractionem, siue defuncto se obligauerint, ad voti executionem siue se non obligauerint, d. c. licet hoc tit. & ibi Pan. & Can. communiter arg. c. accusatus §. si vero de heret. in 6. Impedimentum ¶ difficultatis, voti non aufert obligationem, sed reddit facilitatem dispensandi, vt infirmitas, c. 1. & Pan. in c. non est n. 6. hoc tit.

Liberant à voto ¶ ingressus religionis, d. c. 2 §. scriptura c. admonere, & ibi gloss. in verb. monasterium 33. quest. 2. quia temporalis obsequium in perpetuam pœnitentiæ, & obedientiæ obseruantiam commutat, c. quis ali-

Fffff

quando



- quando §. his auctoritatibus de penit. dist. 1. & ibi gl. in verb. totum vita tempus, c. admonere, & ibi gl. in verb. monasterium, & Can. 33. q. 2.
- 24 Impedimentum † perpetuum, ut supra dictum est; defectus conditionis generalis, quæ multiplex est, si deo placuerit, si potero, si vixero, ac subintelliguntur, etiam si nō exprimantur, c. beatus, & ibi gl. 1. 2. 2. quæst. 2. & Can. 1. fin. & ibi gloss. & DD. ff. qui satūd. cog. & c. ita ut superveniente totali impedimento, non fit necessaria voti commutatio, aut redemptio, sed tollitur ipsius obligatio: Pan. in c. 1. num. 4. & in c. scriptura num. 3. hoc
- 25 tit. Inn. in d. c. licet in princip. defectus † conditionis specialis, quæ sunt multæ, si filius meus convaluerit, si ego liberatus fuerim & c. quæ si defecerit, non obligatur quis ad voti executionem c. 1. 2. 2. quæst. 4. c. unico 32. quæst. 8. & ibi gl. pen. & fin. Pan. in d. c. scriptura num. 4. 5. & seq. & ibi Can. Irritatio, † quæ est annullatio obligationis voti ex beneplacito voluntatis eius, cui vovens subest ratione potestatis, aut colligatus est vinculo matrimoniali; ita pater irritat votum filii impuberis etiam religionis intra annum, & diem, c. 2. de regul. & c. c. puella 20. quæst. 2. tutor pupilli, d. c. puella 20. quæst. 2. coniunx uxoris; c. manifestum c. hac imago 33. quæst. 5. dominus servi, c. si quis incognitus 17. quæst. 2. prælatus subiecti, c. magna §. ipsum etiam votum hoc tit. c. non oportet de consecr. dist. 5. Di-
- 27 spensatio, † quæ est annullatio voti, live absolutio ab eo ex causa rationabili necessitatis, vel utilitatis facta à superiore, c. quod super his de fid. instr. Pan. in c. non est num. 5. hoc tit. Episcopus regulariter in omni voto potest dispensare, c. ex multa, & ibi gloss. in verb. incumbit. Pan. num. 10. & Can. & Pan. in c. 1. n. 7. hoc tit. Prælati inferiores non possunt dispensare nisi in casibus à jure expressis. Pan. in d. c. 1. num. 7. hoc tit. dictum est supra in tit. de off. ord. Summo Pontifici reservatur non omne votum ultramarinum, sed emissum pro subsidio terræ sanctæ, c. ex multa hoc tit. ac vota continentia castitatis, c. veniens, qui cler. vel vovent. & c. & ibi Pan. num. 6. & religionis: Pan. in c. cum ad monasterium num. 21. & seq. hoc tit. votum de non nubendo, non est votum castitatis, & ita servat sacra penitentiaria. Navar. in man. cap. 22. sub numero, 85. Commutatio, † quæ est annullatio obligationis ex causa cum ligamine ad aliquid aliud faciendum, ut si ei qui vovit peregrinationem, imponatur jejunium, c. magna §. fin. hoc tit. Redemptio, † quæ est annullatio voti ex causa cum ligamine ad aliquid dandum, ut si impedito ad peregrinationem promissam præcipiatur tantum dare, quantum erat expansurus in eundo, morando, & redeundo, d. c. magna §. cum igitur hoc tit. c. presbyter & ibi gl. in verb. denar. 82. distinct. Debet commutatio, & redemptio esse justæ pretii, & æquales, in quibus non potest dari certa regula, sed totum dependet ex arbitrio superioris, qui ex diversis informabit motum animi sui. c. 1. & ibi Pan. in 1. & 2. notab. hoc tit. Matrimonium † carnale etiam non consummatum subsequens tollit votum simplex præcedens, c. unico hoc tit. in 6. sed non matrimonium spirituale, ut is qui voluit ingredi religionem intra certos dies, si interim eligatur in episcopum debet electioni renunciare, & votum religionis adimplere, & nō inhabitare, quin post ingressum religionis ad eandem ecclesiam iterum eligi possit. c. per tuas hoc tit. Dilatio, † quæ est quando voventi, qui temporalem impedimenti causam habet, à superiore indulgetur prolongatio executionis voti, quousque causa impedimenti cessaverit, c. non est cap. quod super his §. unde credimus hoc tit.